

natos ad pacem Taicosamæ suadendam. Huic operi delectus est frater Petrus Baptista, sacerdos ex Ordine Minorum sancti Francisci strictioris observantiæ discalceatorum, morum sanctitate et doctrina insignis: cui alii dati sunt socii ex eodem Ordine. Qui omnes legationem hanc eo suscepunt animo, ut inde occasionem arriperent Evangelium illis gentibus prædicandi; quia Apostolica pollebant auctoritate ad fidem catholicam apud Indos et Simica regna disseminandam. Hi ad littora Japoniæ appulsi, et suo munere feliciter functi, ad religionis incrementum, in partem laboris aliis sociis adscitis, animum suum converterunt.

R. Sancti tui.

LECTIO V.

MULTIS proinde xenodochiis, cœnobiis et ecclesiis per diversa loca christiano ritu excitatis, ibique per triennium prædicationi, jejuniis, vigiliis, precibus jugiter instando, atque egenorum et languentium æumnis miro charitatis ardore subveniendo, et fideles plurimos in via salutis confirmarunt,

et gentes innumeras perduxere ad fidem. Qua de re graviter commoti inanium deorum sacerdotes, imperatorem conveniunt, eique persuadent imperium diu incolume non futurum, ni christianam religionem undique gliscentem a suis finibus propulsandam curaret. Vano illo timore percussus imperator statim jussit religiosos viros tanquam majestatis reos detineri, dixitque in eos sententiam crucis. Præter Petrum Baptistam et quinque socios comprehensi fuere Paulus Miki cum duobus sociis Japonensibus ex Societate Jesu, nec non Tertiarii quindecim ex eodem Ordine Minorum Japonenses, quorum alii catechismo, alii sacris officiis inserviebant, quibus duo in vinculis ministrantes adaucti sunt, proindeque sex et viginti expletus est numerus.

R. Verbera.

LECTIO VI.

Post diuturnum carceris squalorem fortissimi Christi athletæ, extrema sinistræ auris parte in Meacensi foro publice mulcati, revinctis post tergum manibus, vili in